



माला रव



“थौकन्दे” प्रकाशन विभागया ३ फोल स्वानः—

मलख

(विनाखँ मुंना)



चिउँमिः—

कवि रे. र. न. 'स्वस्व'

पिकाकः—
“थौंकन्हे”

प्रकाशन विभाग
येँ

(व्याकृ बां पिकाकया)
नेपाल सम्बत्-१०७५ यँला, यँद्या पुन्हि

थाकः—
नेपाल प्रेस,
१२२ असन त्यउड, ११ येँ

वमिजुपितं छं छां

जि थवगु निभाल, तिमिलायें घुसुं न्हाःगु मिखा जब उखे
 थुखे भ्याक हे न्हाये मदुगु विश्व दिका तःगु प्रकृतिया वुंकुलामय्
 धिकि व्वया स्वये, जिगु मिखां खँको व प्रकृतिया फुक व्वसा छता
 छता धयार्थे शान्ति आजादि व प्रगति समां याका तःगु खँने । व
 आनन्द या थो काःह्य सुपांच गुबलें वन्तासा गुबलें यवताय्,
 गुबलें युवतासा गुबलें यन्ताय् अथे हे, वड्कुलि, यड्कुलि,
 यवकुलि, युवकुलि न्हाथासं उखे थुखे धेःधेः चुया च्वङ्गु खँने ।
 लसया अय्लाखं काःह्य न ननाङ्ग नुनुङ्ग न्याःगु ताये मानौं
 वं लसया सुरय् छुंहे मचाः सिचुगु सुखय् तुंहा मिलां ह्याउँ थ्व
 त्वोथें गवलें गुलु मिखां गुबलें वागल मिखां अले गवलें मुसु
 मुसु काःगु छगल मिखां पृथिव्यात हे साला च्वङ्गु खँने । थुखे
 हाकनं सुर्धव ऐश्वर्य या पुखुलियि क्षं छगल जक खँने दयेक तुलुङ्ग
 तुलुङ्ग दुरु पुखुलिस ह्मिता च्वङ्गु खँने । मगन मस्त मलखं मन
 मोहं मे हाःगु ताये । चुलु वुलु पलपसां हाकनं प्वालापिलि
 प्याखं हुङ्गु खँने । थुकथं जब जि थवगु ख्वाल थेक्क व्वय् व्वये
 वं ग्वाराया च्वय्, सुपांचया लिउनें शान्तिया गं थवगु सःया
 छाल गुनुं जिगु न्हायपनय् दुहाँ वयि, प्रकृतिस व्वया
 तःगु आमोद प्रमोदं जि थवहे लय् लय् ताये जिगु म्हाया हिनुलियि
 हिनुलियि हे सिचुसे याउँया वयि । सँय्मिखा कताः वास्यां
 न्हिलाः अले जि तिइजक क छुये । क जक छु छुये दुनियांया कुंकु-
 लामं नुगल हे हिथिसे च्वंक ख्वया हःगु ताये । शोषणं वाथा
 वाथा कँना च्वंपि मनुखतय ह्यं हि चःति वाः वाः वया च्वङ्गु
 खँने । गंसे गना च्वङ्गु दुनियां घय पुनाः बग्वाराहे थररर
 खाना च्वङ्गु चाये । छ छक नयेत, छजु पुनेत, छचा छँनेत,

नसि

घडछि पयतुयेत मनुखं सिनाःसिनाः सासि नःगु खने, अले इमि-
गु व माया वने पुस्से च्वङ्गु हाःसल (कोलाहल) ग्यास्से थवया
वःगु ताये । स्वस्वं, न्यन्यं जि ठोलय् जुये, वाह जुये, वास्थां
न्हिले, इति इति न्हिले, तमं हाले, रुवाल खिउँया वयि, रुवविलु
रुवालं न्हिलाः जि यथे जुये, आखिर रुवखना सल वहे वयि,
सुंक्र सुंक्र रुवये । च्वापु गुं लख नाया वःथे जिगु मिखां रुववि
नाया वयि । गुंथे धस्वाःगु न्यताःच्वकां अले गुंकापि थें गाल
वङ्गु न्हास कापि रुववि कच्चाःलख जुयाः कुहां वयि । गुगुं
न्यतालं वय् तिकि ननिइ गुगुं न्हास सिथं सिथं सागर थें तज्जासे
वांखाया च्वङ्गु म्हुतुयि सुतुं दुहां वनिइ । जिगु खुसि थें न्हाःगु
रुववि सागर रुपि म्हुतुयि जव तुंना वनियि । अले जि थवगु म्ये
रुवविया वास्तविक सवाल चायि । विश्वया लुमंति जिगु नुगलय्
न्याक्क हा कायि । जि लुमङ्कां लुमङ्के फयि मखु । स्वयां स्वये फयि
मखु । न्यनां न्यने फयि मखु । मिखा तिसिनाः, न्हायपं प्वाल
तिनाः उखें थुखें, गुगुं, खयलं खयलं अले महा सागरया दनं दनं
व्वां वने । व्वां ववं जि थवयात थह्मस्यां चायि मखु । जितः झुमि
यङ्किइ झुमि ववं न्हालय्ला ज्वलय्ला अथें म्हासय् हाना च्वने
हूंकन तापाक्क वन्ताय् गुं च्वकां सर्गतया स्वापुयि सुपांय् तज्या
नाः मलख थिना वयि नाप नापं ग्याना पुस्से मलखया सलनं
थवयि । जि लहात व्वयाः तिसलं हाले 'मलख !' मलख हाकनं
थवयि । जि म्हुतुं हाकनं मलख थवःगु सिवय् नं तस्सकं हाले "सल
थवयेकां जक मगात मलख ! छ विश्वय् याकनं जुःवा, याकनं
विश्वय् मलखं मकयेकं प्रतिक्रिया व अगति चुंदनि मखु; विश्वय्
क्रान्ति हयेत छ याकनं कःवा; मलख ! याकनं कःवा । पुलां
च्वकाय् थ्यने थुङ्कल तर पुलाङ्गु लि न्हुउगु दना वये मफुनि ।

न्हुउगु थनाः विकास यायेत पुलाङ्गु, ध्वाधःगु ध्वगिगु, वथं
गःगु खतनःगु, चङ्गु फुकं भताःभुतुङ्ग यायेत ! मलख, छ याकनं
कःवा !!” विश्वहे प्याररर खाक वाराङ्ग घुङ्ग सः ग्याना ग्याना
पुक थ्वयि, जि भसङ्ग न्हलं चायि... ध्वाक् ध्वाक् सिंगु नुगः
पाय् लहात दिकाः स्वांस्वां सासल थहाँ वयाच्चैतिइ ..“मलख !..
मलख !!...मलख !!!...

× × × × ×

‘मलख’ चिनाखँ मुँनाय् जिगु धाये माःगु मेगु खँ लु धाःसा
फुक कविता नेपाल मात्रां च्वयातयागु दु उकँ व्वमिजुपिसं
कविता व्वँने बलय् नेपाल मात्राय् सलं व्वँनेगु याना दिगिसा साप
छि वयि । नेपाल मात्राया धापु खः खँ लहायेवले १ मात्रागु
आखल चिँने बलेनं १ मात्रा अथेहे लहायेवले २ मात्रा गु आखल
चिँने बलेनं २ मात्रा उदाहरणया निंतिः- १ मात्रा (क् कका कि,
कु, के, को, कँ १ मात्रा) गथेपासा २ मात्रा, पाःसा ३ मात्रा,
नगु २ मात्रा, नःगु ३ मात्रा, कोथा २ मात्रा, कोताः ३ मात्रा, धया
२ मात्रा, धयाः ३ मात्रा, वँने २ मात्रा, सुथय् ३ मात्रा, खँ १ मात्रा,
खं २ मात्रा (कं कऽ कः २ मात्रा) नेपाल भाषाय् संस्कृत,
हिन्दि, उर्दु इत्यादि भाषाया हति (शब्द) नं वया च्वङ्गुलि
उकिस मध्ये नेपाल करण मजुउनिगु फुक शब्द इमिगुहे
तालं मात्रा चिनेमाः । थज्याःगु पिनेयागु शब्दया मात्रा थथे
जुयिः- (क कि कु, क् १ मात्रा) (का की कृ के कै को कौ कं कः
कँ २ मात्रा)

व्याकरणया विषये, नेपाल भाषाया वास्तविक प्रतिनिधित्व
यायिगु छगुलि जक वैज्ञानिक व्याकरण आः थउं कन्हय् पिहाँ

पि

वया च्चङ्गुलिइ पुष्परत्न सागरजुं च्चया दियिगु सुबोध
नेपाल व्याकरणहे खः धकाः जि दावा यानाः धायेकु तर थ्व व्याक-
रणय् नं अस्त अपो वैज्ञानिक रूप वियाः शुद्ध यायेत जिगु दृष्टि-
कोणं ४ ता ५ ता खँ सुधार याये जिउगु दनि । जि थवगु
व्याकरण फःसा याकनहे पिकायेत कुतल नं याना च्वंनागु दु ।
उकिं जि 'मलख' सफुलियि थासय् थासय् सुबोध नेपाल
व्याकरणं नं पिहां वनाः थवगु तालगु व्याकरण ज्याय् लयलागु दु ।

आः खँ कचायेके न्हात्र जितः कविता च्चयेगुलिइ व सफुलि
पिकायेत हवपाल वियादिइपि व्यथितजु, चित्तधर दाजु, पासा
इश्वरानन्द, प्रेम दाइ, सिद्धिचरणजु, सागर दाजु, भ्वानिरत्नजु,
कृष्णबहादुर दाइ, सकसितं तुगलंनिसें धन्यवाद प्रदान याये, अले
'मलख' प्रकाशक 'थौंकन्हे' पत्रिकायात व सफुलि छापे याना
दियिपि नेपाल प्रेसया ज्यामिजुपितनं सदां भिं जुयिमा धयागु
दु-तुगलय् थ्यंक तुने । अन्त्यय् नेपालया फुक राष्ट्रीय भाषायागु
भिं तुनाः थवगु मांभाय्, नेपालया छगुलि राष्ट्रीय भाषा नेपाल
भाषाया सदां विकास याये फयेमा धकाः कामना याये ।

अनाला पुन्ही । १०७५ ।

छिकिपिनिह

रे. र. न. " स्वस्थ " डेतपाःचो, यँ

रे, र. न. 'स्यस्य' जुया परिचय

भाजु वैद्य बासुदेवानन्द (तवहिदाइ) अथे हे मयजु चनमाया या सुपुत्र रे, र. न. 'स्यस्य' या पुवंगु नाम रेवतिरमणानन्द स्यस्य खव। वयकलया बुहि नेपाल सम्बत १०५२ दँ लहुति पुही खुन्हु खव। चौतरिया जङ्गप्रतापया निगाहं वसकलं दरबार स्कूलस अंग्रेजी शिक्षा ग्रहन याये खँन। १९४८ इस्वि निसें वयकलं जनतायागु सामुहिक ज्यास लहात ह्यचिइका भाल। वहे दँस वसकलं रेडकलब (अण्डरग्राउण्ड) या छह सदस्य जुयाव ज्यासना दिल। वहे दँस ८ गु क्लासस व्वंना दियिवेलस दरबार स्कूलस 'सुहृद' नामगु छगुलि हस्त लिखित साप्ताहिक पिकया दियिगु खव तर थव पत्रिका उगु इलयाह्य डाइरेक्टर थकायेके मबिल। १९४६ इस्विया दुने वसकलं 'सुहृदमण्डल' धयागु अण्डरग्राउण्ड पाला खँना दिल गुकिया मातहतस 'सुहृद पुस्तकालय' धयागु छगुलि नं खँनादिल। आखिर राणा सरकारया कुदृष्टि थव मण्डलया पासापित थियेव मण्डल नाप नापं पुस्तकालयनं भवाई जुयावँन। सन १९४६ या S. L. C (म्याट्रीक) जाँचस पास जुयि धुंकाव हाकर्न वसकलं 'राणा बिद्रोही मण्डल' धयागु अण्डरग्राउण्ड पाला खँनादिल गुकिया जेनरल सेक्रेटरीसीपस वसकलं ज्या यानादिल। विक्रम २००७ सालया क्रान्तिस.हिन्द एम्बासी लिसे सम्पर्क तथाव थव मण्डल पाखें वयकलं फको जनकार्य याना दिल। लिपा राणा कांग्रेस मंत्री मण्डल गठन जुयेव थवगु कलेज अध्ययन तोल ताव नेपाली जनवादी प्रजातन्त्र संघस कार्यकर्ता जुयाव भारतीय हस्त-

खु

क्षेप व देशीय सामन्त वाद्यों विरोधस फको ज्या सँनादिल । वयकलं याकनं हे उक्त जनवादी पार्टीया संगठन मंत्री अथेहे सरकारं बायण्ड यावगु छगुलि पत्र साप्ताहिक 'राँको' या म्यानेजरनं जुयाव ज्या याना दिल । सन १९५३ स खडा जुगु नेपाली जनतान्त्रिक विद्यार्थी लीगया वयकल संस्थापक अथेहे भूतपूर्व प्रेशिडेण्ट खव । वयकल वहे सालस गोर्खा परिषदया विरोधस खडा जुगु २२ गुलि पार्टीया संयुक्त समिति, संयुक्त जनसुरक्षा समितिया प्रचार मंत्री नं खव । १९५४ सनस वयकल हाकनं नेपाल नेशनल कलेजस अध्ययन याना दिल । अनयापिं विद्यार्थीपिसं वयकल यात थव यूनिवर्सनया प्रेशिडेण्ट लयल । थौंकन्हे विशेष यानाव वसकल "चवसा पासाया" ज्वाइण्ड सेक्रेटरी "स्वयम्भू विकास मण्डल" या छह कार्य समितिया सदस्य खव । वयकलं 'थौंकन्हे' पत्रिकास अटूट नेपाल इतिहासया चवखँ विद्याव इतिहासकारया परिचय विद्या झाल नाप नापं मेमेवगु पत्रिकास विभिन्न साहित्यिक खँ प्रकाश यानाव साहित्यकारया परिचय विद्या च्वन । अले वसकल छह सेलाह कवि धकाव ला थव सफुलिहे कँना च्वंगु दु । उकें वयकल छम्ह राजनीतिज्ञ, छम्ह साहित्यकार, छम्ह भाषा प्रेमी, छम्ह व्यावम्ह लयायम्ह अले छम्ह कवि धयागु खँ भीसं अवपुक सिइका कायेफु ।

थ्वहे अनालास वसकलं त्रिचन्द्रकलेज, नेपालभाषा साहित्य पाठा स्वँनादिल आब हाकनं वसकल 'नेपालभाषा पत्रिका' निहपति या सह सम्पादक अथे हे 'थौंकन्हे' लय पतिया न्हुलम्ह सम्पादक जुया दियिगु दु, गुकें वयकलं भीत जरनालिज्मया रूप बांलाक कयँना दिइ ।

पत्रिका "थौंकन्हे"

दोहलपा



व सिक-शान्तिया खिपतय् हुसुलुं पुपुं धुल जुयिकहे कुतु
बइथे फसय् कयनाः यान्तां प्यान्तां यखाना च्वंम्ह विश्वयात ।

रे.र.न. 'स्यस्य'

‘मलख’ स

जिमिगु खँ

कवि रे.र.न. ‘स्यस्य’ जुया ‘मलख’ चिना खँ मुना पिकाये दयाव ‘थौंकन्हे’ प्रकासन विभागयात सापहे लयताये दत । ‘मलख’ नेपाल-साहित्यस न्हुलगु देन खव । थुकें नेपाल साहित्यस प्रगति वादी लँपु वांलाक क्यङ्गुदु । भाबुकता, कल्पना विचार फुक्क खँ युक्त जुयाव जक थव ह्या च्वंगु मखु नाप नाप थवगु नेपाली पन, नेपाल संस्कृति व नेपाल ख्वाल पालं जासे जायाव गाक्क हिसि दया च्वंगु दु । नेपाल साहित्यस थौंकन्हे विशेष यानाव कवितास अपालहे संस्कृत हिन्दी आदिया छाप लाना च्वंगु दु । इमिगुहे शब्द, इमिगुहे मात्रा अले इमिगुहे छन्द नेपाल साहित्ययात बेरूपी यावगु खने दु । तर ‘मलख’ सफुलि नेपाल शब्द व नेपाल मात्रा च्वया तवगुलि थव भीगु विशेष न्हासतयेगु खँ जुल । अन्तर राष्ट्रीय साहित्य जगतस नेपाल साहित्य गुलि स्थान काये फयि थव ‘मलख’ सफुति वांलाक क्यँनिइ ।

‘थौंकन्हे’ प्रकाशन विभाग

धलक

नाम	पति
प्रगतिया लिसल	१
परम्परा	२
प्रितिया लँय्	३
घोँलया सल	४
बसन्त म्ये	५
सुल	६
चीरस्वाःथाय्	७
गुरुमाप्पाया हाथ्या	८
चान्दसिया सल	९
बसन्तया ध्याचु	१०
हुमान	११
खलहाःगु सल	१२
काय्या भसुकाल	१३
पाहाँ	१४
हति मलुउनि	१५
बफरा कवि	१६
पाहाँ	१७
सन्देश	१८
मलखया सः	१९
अजिसाया न्हिला	२०

सान्ह

धलक

नाम	पति
पताक	२१
चुप्पा	२२
शौषण	२३
प्रेमया लिसल	२४
ज्यापुया म्हगस	२५
सगन	२६
मुक्तिया लँय्	२७
दयाया मोल	२८
प्रतिक्रियाया मोहनि	२९
छोब्वया ग्यापह	३०
शान्ति	३१
मुक्ति	३२
प्रकृतिया धापु	३३
व्यङ्गु क्रान्ति	३४
इनाप	३५
पामिलाया भाय्	३६
जुगं कङ्गु नो	३७
इमा मन्दल	३८
प्यद धुंङ्काः	३९
इतिहास	४०

प्रगतियात लिसल

सरगतस मिलां यवमहि क्यने न्हव
 पृथिवस मड् चां पोक हाल महि हाल ॥
 थवं थव मुनाव मचाखाचातय आव
 छैय् छैय् 'त्यवळि त्यव' नं काव जुळ ॥
 पसलस बह्नां द्वं ग्मग्मं प्वः प्वः
 म्हति म्हति व्वति थथ्थं नया जुळ ॥

बँवाराया च्वं च्वं सरगत क्वं क्वं
 महि कुतु वःथें नगु कुचा कुतु वल ॥
 अलछिन धकाव अन लं जुवाळ तँमं
 च्वय् कय् थुकलं बियाव वं फहिल ॥
 खिखां मुगलस लं सिथय् अनसं
 मचाळम्ह पुतुंहं सिना च्वङ्ग खन ॥

सिल्ल प्रकृतिफस म्वः ह्रिउ थें अन
 प्रगतियात हे वं स्वां पुयाव वन ॥-

“सर्गतं हाबगु यवमहि नकाव हेऽ
 जि मत्तयगु जि म्हुतु प्वाल तिकातये ॥”

परम्परा

नह्यां स्वतन्त्रया नाय्खि च्वयेकेव
 भमचा वसिबँ पुयाव सउवँ थ्युउवल ॥
 सुकुन्दा मूलखासं च्यावगु खनेव
 ह्मिप्यं सङ्काव खिचा नं नं तुंवल ॥
 ज्यै घल घयेपुताव लख काःवने व
 खिचांनं पिखालुखु थ्यङ्क तःवल ॥

भमचा घः फलय् लख दिका च्वंथास
 कवसिसं कोखं क्वाः क्वाः हाः वल ॥
 लच्छिन अलछिन किंचिततय् भास
 छुं मस्युउम्ह वं 'सुबोल' धाः जुल ॥
 बहन्ही भाजुं भाःतया न्हाय्पनस
 भलिया ककनास गुलि चुक्री याःजुल ॥

तुति दाये कुकुं थउँ न्ह्यलं व्वाःव्वां
 ज्वलय् हेः म्हुनाच्चन गुलि भलिमचां ॥—

“भ्वातिधकाव खव भलिमचा धयापि
 वःगु हक जुयाव उगु परम्परां ॥”

प्रितिया लंस

फसं तिमिलास गाभलं उलेव
 सर्गत-क्यवचा भलमल्ल थित ॥
 मिलां नं थवगु तिमिला खनेष
 थव थव्हांतुं फिसफिसिं न्हिल ॥
 सगन प्रगतिया प्रकृतिं वियेव
 मनुखतयत नं मतिनां चित ॥

‘स्वां मई’ दुलिस हूँ हूँ खबयेक
 मां अबु पिसं पयह विया छत ॥
 खबिलगु खवालं व्हंकाचा न्हियिक
 निम्ह तेपुलियां अन मिलन जुळ ॥
 बाल सःसालं न्हाय्णं थबयेक
 न्हूपुखुलि दुने छद्द लयाज्ज सित ॥

पाला पिलि थिइक पळपसां अन
 मोः न्हिउगु व ज्वालान्हाय्कं क्यँन ॥-

“समाज पकालं यस्तिया लंस
 मनुख वज्जु स्व प्रगति चकनाल”

धौलया सल

त्वप्पुया च्वङ्गु खसु सुना वनेव
 च्वापु गुंस घेल चाकु द्वुं द्वुं खनेदत ॥
 सुद्यवं नं पृवि मचायात
 लुमुक निभालं चिकनं बुकल ॥
 मामं छयनस चिकनं थायेकेव
 मचात लसं घेलचाकु नःजुल ॥

सिंगुं लिउने हुंकन व्हलच्चं
 सियुचा मिउ वःम्ह दुँइ वुरि छह
 घासस घेलथं पुगाना च्वंथास
 चावांन्यानाव दँय्मं सिनाच्वन ॥
 जनिख प्वलस व लहावम्ह मचा अन
 सर्गत श्वक च्याय् च्याय् खवया च्वन ॥

धौलछम्ह व्हाना व्हाना व्छवगु दिपं
 'तीहू' हालाहाल खवखना सलं ॥-

“मनुखाहुति दिप हे निहला च्वन
 तर जिगु ध्वाथ म्वय् म्वय् घाना च्वन ॥”

वसन्त म्ये

कोखं वसनाया सः विया ह्येव
 ओपंचनिया तुयु जल लुया वल ॥
 शङ्ख पुपुं ध्वांच संका वःपि
 मनुख ध्वः ध्वः पाखचवय् थहाँवल ॥
 मोः माः मनुख जावगु मंजुश्री
 ध्वःसलं खसु सुनावं वंनाचवन ॥

पाख चवय् पाख कय् कात्तकाः थास
 आखल व्वनेत सफुलि न्याय् मफयाव
 अनाथम्ह मिसामचा छम्ह अन्थास
 लँजुवालायकेलहात फःजुयाच्वँन ॥
 पुलु पुलु जक स्वयाव ख्वाय् पहलं
 चिउताक मतसे सकले न्याःवँन ॥

कविता च्वयेत च्वसा मदयाव अन
 कवि वसन्त नुगलं हाला च्वँन ॥—

“मन्जुश्रिया तां अम्ह नं ल्यंदनि
 वयागु लँपुस तर मनुख मथ्यनि ॥”

सुल

च्वापुगुं जुजुया रुवाल सुका छयेत
 तुयुगु ब च्वापुगुं वँचुका हयेत
 पशुपतिद्यव लय लय तायेकेत
 थासथास पत्तिकं सिँ छयेकेत
 हासा ज्वँनाब स्व मचातय्सं नं
 नारा वियाव थँउ सिँपवंजुयाच्चँन ॥

मुक्ति प्राप्ति थँउ यायेया निति
 गनं निमै पशुपतिस थ्यङ्क
 बसत श्वाथः व रुवाल मुकुडपि
 मस्यां दाजुत त्याःत्याः जुया च्वँन ॥
 'सिव सदासिव' हाहाँ वःपि
 अलख बाऽ वा थ्वःथ्वः वयाच्चँन ॥

सर्गत च्वय च्वय तोलहँ स्वस्वं
 विधिया मचा व करमि बाल हं ॥-

“मनुख लँपुस मलखया किचलं
 क्रान्ति नं छन्दु सुलपुया हयि हँ” ॥

चीर स्वाःथाय

ह्याउँक सर्गतस धुण्फल दङ्ग
 गुँचवका लिउने थव अवीर ववगु ॥
 ह्याउँसे सुर्धव खवाल छपातं थउँ
 रङ्ग मिह्नुमिदुं थहाँथहाँ ववगु ॥
 वसन्तपुरस चीर स्वायेव बउँ
 निमांस्व पृथ्विस रङ्ग छ्वाकुगु ॥

वसन्तपुरया ध्याक्कवया फलच्चवस
 भुजिखि थावगु भ्वाथलगु कापतं
 दनावल पर्वणि फाउ मिह्ताच्चंथास
 भुलि भुलि गुउगु व कयतां चिचिउँ ॥
 पीच्-लँ ववसं धुल ठँ चिना तवथास
 काल हथास वं वँस धुल छम्हुल ॥

खवबिलु खवालं अलेऽ न्हिलाव न्हिलाव
 छ्वाकल वं चीरस होलि मे होलाव ॥

“जुजुया होलिस थुगु जिगुनं होऽलि
 तंचायेमते न्हां खव जि अघोरि ॥”

गुरुमाप्पाया हाथ्या

सरगत पृथ्वि छस्वा जुयिक थउं
 धुनुलि फाउया गुलि रूप काल ॥
 भुस्यल सुर्घब लिचिला वँनेव
 स्व पृथ्वी वयात लाय्लाय् बुल ॥
 गुलि लिलि चिल मछावम्ह सुर्घव
 उलिहे ख्वाल ह्याउँक रङ्ग छाकल ॥

गुलिउने सुर्घव सुउवँने न्ह्यव
 सि-वसतस हि पिभ्यगतं किउगु
 छासया लिक् उइँ छम्हस्यां अन
 खन सिक व बुकया होलि म्हुतुउगु ॥
 दवलां व वसत लाना रंकेव
 छाथ्ये पिभ्यगत तोपुउ जुउगु ॥

चीर उउथास गुरुमापां थउं
 सृष्टिकारयात हे हाथ्या विल हँ ॥-

“भवयघासा खव जिगु निंति थउं
 सृष्टिकारया थव सृष्टि फुककं ॥”

चान्हसिया सल

थवहिल जुजु व चकं ववया
 मूर्ति जात्रा किलागल थनेव
 चकंपुन्हीया रानि मिलां
 सुपांचव्हतं स्वत दिपंकर ॥
 मिखा चुउलाक मिस्तय नं
 स्वव वल थव ववयाव, लस्कर ॥

कुर समाजस थाहगा: मदुह
 येचा: लयवलय जालदुने लावम्ह
 जोवन जीवन दथुस कावम्ह
 थडं 'दांमड' यखानाव सिन हं ॥
 थ्याकाथ्याका पपं थवम्ह मचां
 वयात स्वयाव ल्हात चुचुप्यात हं ॥

बाचाइलस थडं सरगत थवेक
 हा:जुल भुलखा भ: भ: न्हुन्हं ॥-

“प्रकृति दुनें थव सुलासुला ववगु
 सुखस नं थडं छगु मिप्वा: दु ॥”

बसन्तया घ्याचु

गलस बसन्तं दवुलि ग्ववथास
 बाजन थात थउं भर भर भरनां ॥
 यचुसे हाकुणुं अन प्याखनहुउथास
 म्यहाल कोकोय्चां लयलयतातां ॥
 जासे जोबनं त्वप्पुया तवथास
 भम्बलं हाल 'भुंभुं' मतिनां ॥

हाकुणुं दुनेसं हल मुनेत ववम्ह
 प्रकृति मुलय्सां मुसुमुसु कावम्ह
 अलहन ववम्ह क्रूर सामन्तं
 वयात बलात्कार यात हँ अनसं ॥
 ग्वलि लानाब वया भ्वाथःम्ह यवम्ह
 वाथावाथा कन अन पुलपुल स्वस्वं ॥

हसं फसं वँनाव विधिया न्ह्यवने
 बाखन बसन्तं कक्कं धाल हँ ॥—

“पलेसाया निंति प्रलय मब्बंस
 वँनेमखु पृथ्विस, न्हनाहे वंसं ॥”

छुमान

गवङ्गलं बँस क्रान्ति च्वयेकेव
 कँगालस लहानाव वाथावाथा कङ्ग
 विश्व थकायेत, सिखल चफुनाव
 स्व निभालं खिउँलिसे लवानाच्वङ्ग ॥
 निभाल. नसंचा सुनासुनावनेव
 ह्याउँक विजयी ध्वांय् चिं लुङ्ग ॥

नेपालगालस म्हिगः सुथ निसें
 जनअधिकार सुरक्षायां निति
 हडताल जुचुं, जुलूस ववं
 नारा विउपिनि सःहे सुतहँ ॥
 देसदंक असंतोष जुल नं
 भ्याकहे चिउताक जुजुं मकाव हँ ॥

चा सुनावनेव नसंचान्हं नं
 मुखाय् ब्वयेकावं छुमान विलहँ ॥-

“भौतिक जगस इल हिलावव
 संवर्ष तिनि थातस हयि हँ” ॥

खँल्हावगु सल

छखेर थ्व मयेजु बँयात प्रकृति ॥

मुलस तवथाय्तिमला खया च्वँन ॥

अङ्गल दुने सुलासुला च्वंपि

किलिकिलिचां नं धून् बियाच्वँन ॥

मिसात मुँनाव बजि लहुया च्वंपिनि

पालंपाः मे, हावगु थ्वयाच्वँन ॥

थुखेर चान्हस कम्पांडर थास

सवता च्वँन गुलि मिसा झुम्हसियां

तिबां तिवां वया सः हे द्वियिक ॥

भ्वाथल सिधसत वायूहल व्छासस

अले सुथस 'यव पुताः' धाध्धां

मुलुं थें नुगल च्वास्स सुइक ॥

सिथं स्ववपि मिसात छपुचल

खँल्हाना च्वङ्गु अझनं सः वव ॥—

“बुरियात स्वयिपि खुं मदु थव

छावंला थथे याये मजिउगु खव ॥”

कायया भसुकाल

निभालं वंग्वारा व्वलंका हवथास
 बाबखुं भाबखुं घु... घु... हा हां
 त्वाथ त्वाथ ल्वाकावंचुप्पा नयाच्चैन॥
 छजोल चखुंचां मचात अनसं
 नसा नके धुंकाव उखे थुखे मामां
 व्वयेगु स्यना च्वैन चिरिचिरिं हाहां॥

ज्येठाकाजिया व पिनेच्चंह कलातया
 माइलाह पत्ति ह्याय्मह काय् नं
 चखुं बखुं स्यानाव मियानयेगु ज्या
 त्वाथया लागि मतोवतुउ अभनं ॥
 अहो ! समाजं थुकलं बिउसां
 वाक्कु छिनाव हेऽ सह्याना च्वन वां॥

छन्दु थवगु बाखं थवत कर्कं
 लिसल बिल वं भसुकाल तत्तं॥—

“खव जिनं थव अबुया ह्यायागु खिति
 अले मांया त्वाथया किल जक खव जि॥”

पाहाँ

माहाचव पशुपति अजिमांजुतयत्

पाहाँ चःहेःया न्हुउगु नखत्या व्वनेत

दुरुं च्यां च्यां यात च्वयेके छ्या च्वन ॥

सियाव सगर्त पाहाँ भवज पृथ्विस

प्याखंपाल काकां नगुतय दथुस

खिमिला मयेजु नं कहां कहां वया च्वन ॥

थुखेर थाय्मरुस प्यखेरं ववपिं

मनुखत छुपुचलस मुस्याल ज्वपिं

जुल्लास ववपिनि हाःसः फुयेव

पुलिस वयाव अन वयातं थ्वयातं

खवि मकुं त्ववताव ज्वज्ज्वं दाद्दां

लं जुवालत हे.. गुलि यंकल कुनेत ॥

हरे? जि कायमा छुं द्रुं मदु धाध्धां

हाः ववहा बुढियात पुलिस धालहं ॥

“छिमि काय्न् पाजु छैँस पाहाँजुल थउँ

आव लिहां वयि मखु व पाहाँ मयाकं ॥”

हति मलुउनि

सुर्यजुजुं थउँ कपनया दथुस
 रुवाल चकङ्काव स्वयाच्चैन पृथ्विस ॥
 सुपांचं वयाब त्वपुउ वलं नं
 तिन्न ह्युका च्वैन गुलि हतंहतं
 थिइगु वयागु व जःतिया धाःधाल
 लङ्क पृथिवया हिइगु नुगः घाल ॥

उसांय् मदुह्य व चीधिह्य काय्थास
 बुरा अवुह्य अनसंकुउ नया च्वैन ।
 म्हाचह्यं प्वङ्गु चिभोंचा क्यंथास
 मांया रुववि गुलि स्वःस्वःवयाच्चैन ॥
 खनाव थ्व तःधिह्य काय कवि अले
 मयालस वयाव लहातन्हकुस दिका च्वन

खिउँसे सरगतं खयेव खिमिलां
 नगुयात स्वस्वं धयाच्चैन कविजुं ॥

“कविता चिनेत थन शब्द मलुउनि
 नगु ! छंगु ज्योति थियि मगावनि ॥

बफरा कवि

तिमिला खयेव न्याःखा प्याखन हुयि ॥
 खिमिला खयेव मे हाव भुलुख्वां ॥
 मलख थवेव ह्ययखा न्याक् कायि ॥
 बसन्त वयेव पुयि कोकायचां ॥
 प्रकृति दुने थथे जुयि मखा ग्ववगु
 मधुआकर्पणं मिलाप जुयिगु ॥

हाःनाः मदुह्य थाहगाल मदुह्य
 कवियात थउं थ्वाना हल पासाह्यं ॥
 बुमि वँनाव व भसुकाल ततं
 न्हिला च्वँन छायथं त्वलहँ स्वस्वं ॥
 दना च्वन चिचाः तिकितिकि ननं
 काः ख्ववि वया उखे थुखे वँयसं ॥

खिमिलास लुउगु थवगु व किपालु
 बुलुसे खनेव हालाहल कबिजु ॥—

“जीवन लँम चायावल थउं दः
 किपालु त्वलताव मेवम्ह मदु थव ॥”

पाहाँ

थिलाव प्रकृति वन्तास सडवँ
 लुँबु वहबु छुउम्ह बांलाःम्ह वँ
 लुकमहाघव नुगलस तुनावहँ
 सूर्य-अन्ति लुत अय्लाखं ॥
 वहन्ही नगु मत बिये धुनेवं
 अजलं उलाव भवज नःवन हँ ॥

यायेमालिइ ज्वरय् यःव्वहे सां
 मत्त मदुथास धाल कलाःम्ह ॥
 थवथिति मेथाय् गां गामं नं
 ग्वाःग्वाः पाहाँ वया च्वन हाकनं ॥
 न्यायेनियेयायेत अहे खिउँ रुवालं
 त्वका यङ्कल तुकिहे भाःतम्ह ॥

लाछियि वहन्हिस धेः धेः चुचुं
 म्ये हाः जुयाच्चन अय्लाःगुलुं ॥-

“गुलिसिया छैँस थडँ करया भरय्
 बजि मदु घासा मदु पाहाँ चःरय्” ॥

सल (सन्देश)

कोलं बुयाव समां सिधयेवं
 लुँस्वां वहलस्वां छयँलस हुनाव
 तिसा वसतं भल भल जुयिवं
 नखत्या वने थउं थव छेँस धकाव
 ज्वाह् थियिगु सूर्य न्हायकँनस
 बँ मयेजुं थवगु स्वयाच्चन ख्वाल ॥

सुथस कलातम्ह व्छयावलि थव छेँ
 वन नखत्या सुकु संध्याइल ति ॥
 पुलिसं वयात मथ्यवं ससल
 'वसत रुँ' धाधां यङ्कल थानास ॥
 दादां वयात केल फेल याकेवं
 पसि कलातं सिनावन खः हँ ॥

खिमिलास लुउगु गरहं पृथ्विस
 फसयात सिच्चुगु सल वियाहल हँ ॥-

“अन्त छङ्ग हेऽ कहानि कनेत
 वया च्वंना, कानून चुंचुं थनेत ॥”

मलखया सः

हाक्कुसे सर्गत त्वप्पुया वयेव
 वाफस वल थँ धुप्फल दहं ॥
 पलपसां कान्तिया हुमान बिइव
 संघसं—सः वियाहल सुपांचं ॥
 सिच्चुया बन थन सिल्ल वा वयेव
 देश थ्व काःगु हपहप गरमं ॥

वाफस वःथास धुप्फल दंथाय्
 खना सिँ कुउपिं द्वक कुउपिं
 हसंफसं हे मेः मेःपिं नं
 वफरा पाखामित व्वांवां जुउपिं
 अले तवमित अनहे मोटर हहं
 चीमितयत का हक्का थकुउपिं ॥

सर्गत खायेक देशस मलखं
 विप्लबी रागस सःवियाहल हँ ॥—

“वङ्गल सिमाया वसन्त वःथं
 लिपाहे जुउसां वयितिनि छं नं” ॥

अजिमाया न्हिला

चा नाप नापं नगु सुका छल्लं
 बुल्लुं बुल्लुं तुयुजल लिउं लिउं
 ह्याउँसे निभोल थिनोवल वन्ताय् ॥
 स्वागत यायेत थुखे पुनाचवन वं
 ल्यासे ल्यासेपि च्यामखलः मःत
 मोहनि पूजा वनिइपित लँय् ॥

वान्थान्यां व्कँच खिचातय् स्ववथास
 नायलं स्याना च्वङ्गु ध्वाखां पिने
 चसुप्वालस चुपि मेसत सुसुं,
 उयातल सिइह्वा ख्वयाहल घाटस,
 मुहाःह्वा दुगु भगवति पिनेसं
 म्याय् म्याय् हाल दुने गःक्युउथास ॥

‘राःम !’ धाधां ख्वालसिला वःह्वा
 ज्याथं छेँस कलातयात न्यंकल ॥—

‘द्यवगल दुने व अजिमाया मूर्ति
 त्वलहँ स्वयाव न्हिलाचवन द्याये थें’ ॥

पताक

मोःमोः मनुखतय खङ्क मिखां
 धिमेळ थाथ्यां अले तुपल तर्त
 जन्वहाद्यव साःगु, निभाल द्यवं
 सुपांचं किनाव स्वयेहेऽ मफुसां
 मछि मछि सुपांय-ह्वतंसां
 पताक साःसाः छायाच्वन च्वंच्वं ॥

द्यव स्वया च्वंथास तिनिरुवल सिथस
 वसत भ्वाथः अले गाहे नं मदुह
 पाखेनी ल्यासे छह्वा वांलासे च्वंह
 छम्ह हिन्दुस्तानि गुन्दा लिउ लिउ
 वनां च्वङ्गु खना ध्यवायां निंति
 मझाः मझाःसे ग्याःचिकु पहलं ॥

देवा व्छयेकाव, च्वय् मयेजु वामिलां
 जन्वहाद्यवयात भाखा तया च्वन हँ ॥-

“सकसितं उतिखनाव, छंत थें
 वसत गाकाविधि पताक छानाव जि” ॥

चुप्पा

सिच्चुसे बाचाइल कुच्चुया वयेव
 किलिकिलिचां नं वस पुयाच्चङ्ग
 सुपांचं मिलायात घय घय पुयिव
 मिलां नं चुप्पा नया नयाच्चङ्ग
 नगुपुचलहेऽ इति इति निहयिक
 विश्वया च्वय् खना यलित निहउगु ॥

छन्हु खना जिं थवहेऽ मुलस छम्ह
 ग्वग्गवतुलाव मिखातिस्मिना च्वम्ह
 मनुखया नुगलस चुपिचां मुउम्ह
 चुपि च्वकां कय् हि तिकिनना वनेव
 मिखां ख्वाव वं सोःसोः वयेकाव
 मोःनिहल व चुपियात चुप्पानयाव ॥

मूत काःगु ख्वविधाल हायेकाव
 धाल यलितयात हेऽ तोलहँ स्वकाव ॥—

“मन बियाव, छं जीवन बिउथें
 मफुत छन्त जिं लय लय तायेके” ॥

शोषण

निभालं बैस लख सुका काःसां
 पृथिव थव गबलें खववगु मखु हँ ॥
 सुपांच जायाव वं सिउ हाकनं
 सिचुक वा नं वं वयेका विइ हँ ॥
 गवसाल गवयेत पृथिविस थुकथं
 शासन काःगु सूर्य खः हँ ॥

लुतिअजिमाया व द्यवगल लिउने
 दिप द्यःनसं खना जि सिइह
 थसः पायेकाव छम्ह तया तवम्ह
 खवथें मखुथें भिनया च्वंम्ह ॥
 अनसं कंचया छुसि माला च्वंम्ह
 खना छम्ह मेवम्ह ख्वालेहेऽ खिउँम्ह ॥

पुल पुल हेऽ व मच्याःगु दिपं
 खिउँसे ख्वाले ब्वयाव धाःथें च्वं ॥-

“जिगु माकुगु नसाया ति सुकाकाकां
 सुनां थव फाकुकाव वाये हल थें ”॥

प्रेमया लिसल

च्याःथाः मिला लिसे नगुत हेऽ नं
 छखेर लियेवं धयाचवन पृथिव
 आम ला खः जिगु प्रेमया किपालुं
 किउगु किचल जकं न्हायुकनसं ॥
 पृथिव व मिलाया ध्व अमर प्रेमं
 हिइल नुगःपात नगुतय् गुलि हँ ॥

समाजस सकत्यां हेलायाना तःम्ह,
 जिगु मतिनाय्सं हुसलुं पुउम्ह,
 ध्वगिगु जीवन व्वजक लनेवं
 पाकल पासां जितः थवगु ययां ॥
 तांया सिथय्सं तिमिलाय् दःवं
 धाल 'छजिम्ह मखु आः सुंहेऽ नं ॥

द्वायेथें मसिउ हाकनं दःवं
 धाल छेँस वयाव खिउँसे लुखाय्सं ॥—

“खिमिलाय्जक चायि पासा सकसियां
 उकें छ हेऽ खः जि थव फुकं”॥

ज्यापुया म्हगस

यचुसे वच्चुगु सर्गत बुँयिसं
 कोख, इमा, गिद्ध, भङ्गल मेवपिं
 पुचल पुचल अले इखुंचा व्वव्वं
 बिउवल पृथिवस सः इमिसं हँ;
 सूर्यव ज्यापु थ्व स्वतन्त्र खख्वं
 नसानयिपिं जिमि ख्वालहे चक्रं ॥

खना गपाय् च्वकं जाक व गङ्गु
 हुं ज्यापुदाजु थन बुँपाळा च्वङ्गु
 बफरा, वयाम्हय् वसतहेऽ भङ्गु ॥
 प्रकृति न्हावनेस पुलु पुलु खङ्गु
 आशा गुलि वं नुगलस हङ्गु
 चःतिनं गुलि व नाःनाः वःगु ॥

ग्वःफस अनसं चाःहिला वङ्गु
 ज्वलसहे जुयिवं म्हगसय् हङ्गु ॥-

“बुँ गङ्गु गपाय्च्वः वाउँया वङ्गु
 म्ह भङ्गु धाल तर लँहेऽमलङ्गु” ॥

सगन

‘थउँ’ यातनं थउँ जन्मन्हि यायेत
 सुकुन्दा च्याःथें ग्रहनं च्याःगु
 ख्यँच सगनहेऽ व जुइ मखा बियेव
 सर्गतसं चां मिला पुकाच्चङ्गु ॥
 पिखा लुखिस निमां धउवजि बियेव
 सुपाँच नं गुलिखे व्वां व्वां वःगु ॥

कुम्हाल्या थलबल चुंचुं दंथें
 श्रृष्टि व गुलिथउँ तज्ज्याना वनजुइ ॥
 थाराथारां न्हुक्क श्रृष्टिकार हेऽ
 दिपस मित्याःनं गुलिखेऽ न्हिल जुइ ॥
 भौतिक जगतं व्हयाव्हया बःथें
 भौतिक जगतय् व्माः जुया वन जुइ ॥

जन्मन्हि याः थास सुकुन्दा स्वस्वं
 कबीया न्ह्यपु व चाःचाः हिल हँ, —

‘काल वथाव छन्हु बियि तिनि दःहँ
 भौतिक जगया अमर सगनं ॥’

मुक्तिया लँस

बफरा पृथ्वियात थ्व खिउँ गालं
 सूर्यव वयाव मुक्त याये न्ह्यव
 सर्गतं ग्वाःग्वाः नगुत नं
 मुक्ति कायेत थबथव पापं
 ल्हुतिपुन्हीया व नीमेलास थउँ
 नानिधाहितिस स्वल ल्हुउ वन हँ ॥

वेसलं सिंगुं बनेगु लँय्सं
 कलां जाःगु फवया स्यंपुल्यं
 धुल जुइकहे दुनीनथें च्वं ॥
 खना, अनहे उडाय् उडाय् हाःम्ह
 ह्याउँमचा छम्ह नकतिनिहे बुउम्ह
 अले सिइम्ह खनि अनसं मांम्ह ॥

प्रकृतियाहेऽ कथु प्वाल सुउथास
 खवयाहल खिचां भिजां दंथास ॥—

“खिउँवले बिउगु मुक्ति सुवालं
 नुगलहे खवनि अतीतया थउँ” ॥

दयाया मोल

तालाया इलस छमाथें छमा थउँ
 भयाम्म सिमानं गुलिवाउँ या व्वङ्गु ॥
 प्रकृती न्हावने शुमिनं गुलि थउँ
 तवधं चिइधं भ्याकहेऽ मद्गु ॥
 उकें मखा जुयि भङ्गलतय नं
 समानतायागु हाइ हाला जुगु ॥

खना न्हूपुखुलिया लँ सिथयसं
 सार्कित लाकाम पर्का च्वंपि
 नाय्त लाकामस नकिं ताःपि
 मस्त लाकामस पालिस तःपि
 ल्हात स्वयिपि, व्फगिं, मेवपि
 निभालं पुक्क, धुलं गाः पि ॥

न्यायालयकय अन 'ध्यवाना' धायेव
 छम्ह बागःवैयून् लिसल विल ॥—

“ध्यवा बियाव जिगु इज्जत न्यायिम्ह
 छु, थ्वहेऽला छङ्गु मानवता” ॥

प्रतिक्रियाया मोहनि

सूर्यं थवमां तरेऽ यायेत
 मातातिर्थसं स्वल लहुया वयेवं
 थवम्ह मचा व बँग्वारां नं थउं
 रुवाल स्वव वयाच्यन सुपांचमरिं ॥
 म्हाचं लुदं रुवाल स्वःवःगु
 खनाव, निमा गुलि लसताया च्वंगु ॥

विश्व सभ्यता थरथर खाक्क
 मनुख प्रगतिहे चिल्लाय् दङ्क
 हाइड्रोजन व आयटम वमया
 कु लिउलिउ ततं सगं मरिया
 बँमांया रुवाल स्वये मखा नितिं
 न्हाव्वां वःगु शासक काय्पिं ॥

वाफस वयाव पल्पसा त्वोःथास
 श्रृष्टि मांजु रुवया च्वन ओकासस

“प्रगतिस जुयिपि जिमचातयत
 कारे; प्रतिक्रियां मोहनि यात स्व” ॥

छोव्वया गयापह

च्चापुगुँया लिउनं गरगत च्वच्चं
 लुलुं वयाच्चन साखलति सूर्य ॥
 उखेरं थुखेरं व्वाय् व्वाय् ववं
 त्वंवया च्वन थउं अमृत सुपाचं ॥
 प्रकृति व लुकेहःगु साखलति
 वमयेजुया प्वाथनं रुवाउंसे लुदं ॥

खना शैवमार्गित कटेश्वरस
 इताख छुयेकाव होम याना च्वङ्गु,
 पुउच्चय् बुङ्गचवया खत न्हावने
 देवाचा छुयेकाव होम याना च्वङ्गु
 वुँ पोःपि व अप्पा छिउपिनिकस
 मनहराडोलस सिक उया तःगु ॥

लुं सिया तःगु छोव्वनं अनसं
 फिरिरि खानाव हालाहःथे च्वं ॥—

“ए ! उरल—लिउलिउ व्वयिम्ह कवी
 मनुखया पहल चिनाविउ छन्दस” ॥

शान्ति

बुद्धया ध्वाँच थउँ कवसिस व्वये न्हव
 च्वापुगुँस स्यारपां ध्वाँच व्वयेकुउ थें
 व्वयेकल जतिवाल निभाःद्यवं नं ॥
 सुपाँच वयाव अन स्वागत यायेवं
 च्वापुगुँस शान्ति-ति बाःवाः वयेकाव
 पृथिवयात बिल हँ लयलय तायेकाव ॥

खना सिगुँ गलस मिसामिजंया ख्याः
 हाकनं फलस झह खंगु सकस्यां
 बाथावाथा हेऽव्ह मिसा प्वाथस दुह
 हाकन धुसि बुरा छम्ह स्वांस्वां वःह
 कलख ज्वंनाव वं सिगुँपाख गःगु
 अले कर्णदिपं सिक-बाजं थवःगु ॥

खिमिलाया शान्तिस पुलपुलगेरां
 धाः जुल, बुद्ध व उखेथुखे मामां ॥-

“शान्तिया मुक्ति मलुउनि अक्क नं
 ए! शान्ति-दूत् वयेमाल हाकनं ॥”

मुक्ति

हाकु सुपांचं विश्वहे खिउँथास
 पलपसाया व प्वालापिलिज्योतिं
 हवलसा लुलुं सर्गतय च्वय्
 गुलिखे प्रगतिया लँ क्यना च्वन वं
 नं प्रगतियागु सः विया हँ
 विश्वयातहे सःतुउ थें च्वं ॥

छम्ह समिनियात दाखुंया पन्जां
 बिसिके हयाव छम्ह सामन्तं
 भ्वातिं यानाव लहिना तःगु नं
 व्वयेका यंङ्काव तवमि छम्हायां
 प्वाथय दयेकाव पितना बिल हँऽ
 विश्वमुक्ति हे चिल्लाय दङ्क ॥

विश्वया दुःखस धिरज विविउं
 सः बियाथकल खाउं—फसं नं ॥—

“सुपांय ल्वापुं विश्वय मलखं
 पिदनितिनि छन्हु अमर मुक्ति व” ॥

प्रकृतिया धापु

सिथिनखतया थउं माय्वल नयेत
 प्रकृतिं च्वापुगुंस मास निनातःगु
 कुँहे नं गपाय्च्व त्याःत्याः वयेक
 सर्गत भुतुलिसं मि छ्याच्वङ्गु
 द्वालस वल हेऽ गुलि ह्याउंसे च्वङ्क
 कपंया सुमिचां चिकनं लुउगु ॥

दिगुपुजायाःपिनि साःगालय् सं
 फ्वंगित मुनाव चिप फ्वं वः पिं
 सल हे सुक गुलि फ्वंना च्वनं नं
 वान्दया हःगु चिप लप्तेय् सं
 भ्याक हेऽ मदयाव ल्यंपुल्यं छुं
 थउं हेऽ इमि प्वाथ म्वय्म्वय द्याःहं ॥

नये मखनावरुवाल खिउंझ पृथिव
 लुमान बियाच्वन हं च्वं प्रकृति ॥-

“छन्त आसेआसे बियेतिनि जिसां
 वान्याना तयागु मिला-वल हेऽसां ॥”

व्यङ्ग्य क्रान्ति

सुर्गबया अति चुइँ चुइँ पुरगु
 निभालं पृथ्विस कृत्यः वःगु
 कोथला छयेत फसं फसं नं
 सर्गत दङ्क हाकु ध्वाँचं थउँ
 चकना भाब् प्रदर्शन यायेवं
 वैन लिच्चिलाव सुर्यजल थउँ ॥

हस्तक्षेपया रुवाःपाल क्यक्यं
 लोक सभाया हिन्दमित वःगु
 थउँ निशख नेपालिम तयसं
 देश थवक्क गुलि चकना याःगु
 नायया न्ह्यवने तर मेस रुवःथें
 क्रान्तिधाःपिनि सल हेऽ सुङ्गु ॥

काःहि जाःम्ह कपिचा अनसं
 न्हिला च्चवङ्गु मखा व खवबिलुसलं ॥—

“क्रान्तियागु लँस वँ थिले न्ह्यव हिं
 क्रान्तिलहाःम्हुलि व्यँनावँन फ्यास्स॥”

इनाप

सुपांयखतस च्वंनाव सरगतं
 म्हिग अहो ! निभाःद्यवं नं
 बुङ्गयवयात थव जतिधालं
 साः वःगु खंना भोत क्यनेवं
 सर्गतहे नं लसं थव थें
 बियाच्वङ्गु न्यंना सल पृथिव ॥

नेखु द्विकुउथासय् थउँ हाकनं
 अनिकालं हाऽहाऽ जुउपिं
 द्रलं द्रल व म्वल लहुउ वःपिं
 खंना गङ्गु खुसिस, ख्वाल खिउँपिं
 हरे ! गुलि बुरा बुरि पिसं नं
 'सरणम्' धकाव हाःगु नुगलं ॥

हके थें हाकुसुपांच वयेवं
 इनाप याःगु न्हिनसिया वामिलां ॥-

“वा सयेकाव लहित सकल सुनां
 लख छयेत मदुगु वयात हे नं ॥”

पामिलाया भाय

गवङ्गल हाःगु सल थवया वयेव
 चासुनाव न्हि नं हिलाहिला बल स्व ॥
 गुँच्चका लिउनें तुयुजल ववं
 कस्वःबल उ, ह्याउँनिभालं नं ॥
 बिथ्र, हिउ-इल लिउ लिउ न्हाःगु
 खना शान्ति अले सिचुका बिउगु ॥

ज्याःपुन्हीस सिङ्गुं हिउवःभ्ह
 खना छम्ह शाहुया तुति पालियिसं
 व्फंगितय व्फंसास ल्वापु जुयाव
 थ्वाना हःगु खनी छह भ्वम्सुक
 थिये मजिउह्य धकाव मन तमं
 न्हासि वयेक हेऽका थ्वाःगु वयात ॥

ननाङ्ग तुनुङ्ग न न्याना च्वच्चं
 घुसुसुसु पामिलां न्ह्यान्ह्यां धाल हँ ॥-

“शान्ति देव श्री बुद्ध मालेत
 क्रान्ति देव हे माःवना च्वँन हँ ॥”

जुगं कड़ुगु नो

सत्य पुनाःनं त्रेता वन हँ
 अले द्वापर अले कलि नं वल हँ
 तर सुर्धव मिला नगु छुं हे नं
 जुग लिसेलिसे तुं सुनावङ्गु मखु
 इलबाल नाप नाप चुयिके हःथें
 वन्तां यवताय् न्हान्हां वनिङ्गु ॥

थुखेर हाँईं खुसिबाल वःथाय्
 जुजुस्वां छफोल का चुयिके हःगु
 बुरि छहसिया लोःवन थें गथे
 स्वांलाये धकाः का तुति न्हाकुङ्गु;
 स्वांलाये मखवं बफरा बुरि व
 स्वां लिसेलिसे तुं चुयिके यङ्गु ॥

उकॅला जुगं थँ मनुखतयत
 पचि धस्साकाव नो खङ्क धाःगु ॥—

“जुजु धकाव अँ वय पुनाच्चंसा
 सति वनिइ हँ जुजु लिसेलिसे तुं ॥”

इमा मन्दल

सामन्ति खिमिलां कोऽगला च्वङ्गु
 सहायाये मफयाव निमा-लिधंसाय्
 नसंचान्हं नं विद्रोह यायेव
 पृथ्विस सृग् प्रगतिजल बिल
 पृथ्वि, खिमिलां मुक्त जुउगुडि
 निमा सरकार या जयकार यात ॥

प्रगति ह्येत विउगु म्वाःहि जनं
 राणा शाही कोःदलं नं
 शोषण घाल इमि लँहेऽमलं हँ
 अले फुक जनता वाक्क वयेवं
 प्रजाया भिया निरिति हाकनं
 लिपयात शासन शाह जुजुं हं ॥

मन्दलकाका इमा व्वया च्वं पि
 स्वस्वं धरतीं भसुकाल तल हँ ॥-

“सरगत स्वस्वं वां खाया च्वंना नं
 हरे ! थिउगु मखु दः सरगतं” ॥

प्यदं धुङ्गाव

बर्षीं गृष्मया क्रान्ति हयेवं
 नये त्वंने मखनाव गँनावँना च्वंह
 वांखाः पृथ्वि लख त्वना च्वङ्गु
 अहा! लङ्क वयाप्याः ब पित्याः हे,
 वा ! पलपसाया थिङ्गु मतं नं
 पृथ्विया छेँस थडँ भलभल धाःगु ॥

खना वाचा इलय् हे हितिस मोःमोः
 लख पाःलिक फयेत घल दिकातःगु
 जाकि फःपि मोःमोः सुथं निसें
 अले तिन्दिनय् भ्वाथःत ज्याय् बङ्गु
 बिजुलि सिनाव अले हाःपि सकलें
 बोःबिया च्वंपि छ्वात म्हुतुं थें ॥

धाःगु सःसालं अले थथाय् सलं
 लुमङ्काच्चँना जिं थन स्वयाव त्वलं ॥-

“प्यदँ-सरकारस छुं ज्याया पलेसा
 प्यह्व निहइके सिबाः छुं जुउगु मखु ॥”

इतिहास

अहो ! मन्सिगालस लख कब्बाःगु
 प्रगति ज्वनावहेऽ व्वांवां वःगु ॥
 पुखुलिस शान्ति त्वप्पुउ वःगु
 अहा ! सङ्घर्षया त्यानुहे लङ्गु ॥
 उकॅला मन्सिगालया प्यस्वेरं
 प्रकिरति नं थउँ मुसुमुसु काःगु ॥

मेःमेःथासथें म्मी देसय् नं
 सङ्घर्ष जुयावं क्रान्ति वल हँ ॥
 मेथास प्रगति इतिहास हःथें
 तर अगतिं थन इतिहास हल ॥
 शोषित पीडित सकल जनतां
 सिक-शान्तियात हे थव कर्म नाल ॥

सरगतच्चव्य् सुपाँच ध्वाल न्याःगु
 न्यना इतिहास यात हे धया जुउगु ॥—

“उकॅला म्मी जुजु म्मी राष्ट्रपिता
 धाःगु न्हवने हेऽ प्रतिक्रियांनं” ॥

‘थौकन्हे’ प्रकाशन

- १ सुबोध नेपाल भाषा व्याकरण— पुष्परत्न सागर— १७५
- २ मिसा सु खव १ (च्चखँमुना) —वासुपासा-- १७५
- ३ मलख (चिनाखँमुना) —रे.र.न ‘स्यस्य’-- १५०

पिहां वधे त्यंगु :—

- ४ च्चखँमुना-- कुलधर्मरत्न एम.ए. (कम) वि.एल.
- ५ कपन (चिफि बाखँ मुना) —रे.र.न. ‘स्यस्य’
- ६ क्येहंवात पति (पति मुना) —केदारनाथ श्यौपाने
- ७ ह्याउँ तिभाळ (त्याखँ) —भूस्वा साय्मि एम.ए.



मुद्रक— नेपाल प्रेस, ११/१२२ त्यौड, यँ, नेपाल ।